



Vogošća, ul. Jošanička, br. 80; tel: 00387 33 586 413, fax: 586 418

Broj: 03-14-1811/17
Vogošća, 07.02.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 07.02.2018. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE PREVOZA ŠKOLSKE
DJECE NA PODRUČJU OPĆINE VOGOŠĆA ZA PERIOD 2017-2020. GODINE**

Član 1.

Ponuda ponuđača "Globtour" d.o.o. Međugorje, ulica Gospodarska zona Tromeđa VI broj: 9. Čitluk, odabrana je za pružanje usluge prevoza školske djece na području općine Vogošća za period 2017-2020. godine, kao najpovoljnija ponuda po kriteriju najniže cijene, sa ukupnom cijenom nabavke u iznosu od 67.084,20 KM bez uračunatog PDV-a, odnosno 78.488,51 KM sa uračunatim PDV-om.

Član 2.

Ovom Odlukom stavlja se van snage Odluka o izboru najpovoljnijeg ponuđača za pružanje usluge prevoza školske djece na području općine Vogošća za period 2017-2020. godine broj: 03-14-1811/17 od 05.12.2017. godine.

Član 3.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Općinski načelnik je dana 06.11.2017. godine donio Posebnu Odluku o pokretanju postupka nabavke pružanja usluge prevoza školske djece na području općine Vogošća za period 2017-2020. godine, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 07.11.2017. godine pod brojem: 1353-1-2-114-3-68/17. Sažetak obavještenja o nabavci objavljen je u "Službenom glasniku BiH" broj: 81/17 od 10.11.2017. godine.

Dana 05.12.2017. godine Općina Vogošća kao Ugovorni organ je donijela Odluku o izboru najpovoljnijeg ponuđača broj: 03-14-1811/17 kojom je kao najpovoljniju ponudu u otvorenom postupku nabavke pružanja usluge prevoza školske djece na području općine Vogošća za period 2017-2020. godine ocijenila ponudu ponuđača "Vildan tours" d.o.o Sarajevo.

Na predmetnu Odluku izjavljena je žalba od strane ponuđača "Globtour" d.o.o. Međugorje, zastupan po punomoćniku Advokatskoj kancelariji Nermin Vila dana 15.12.2017. godine.

Ured za razmatranje žalbi BiH-Filijala Mostar, rješavajući po žalbi Žalitelja "Globtour" d.o.o. Međugorje je donio Rješenje broj: JN2-03-07-1-1382-10/17 od 11.01.2018. godine, kojim se usvaja

žalba Žalitelja "Globtour" d.o.o. Međugorje kao osnovana i poništava Odluku o izboru najpovoljnijeg ponuđača broj: 03-14-1811/17 od 05.12.2017. godine, te predmet vraća na ponovno odlučivanje ugovornom organu.

U obrazloženju osnovanosti žalbe URŽ BiH-Filijala Mostar u svom Rješenju navodi sljedeće: "Prema mišljenju ovog organa dostavljeno Uvjerenje Općinskog suda u Sarajevu broj: 65 Kr 14056 17 od 17.11.2017. godine, ne može zadovoljiti zahtjev postavljen tačkom 7.1.1. tačka a), odnosno tačkom 7.1.2. tačka a) TD. Naime, Ugovorni organ je zahtijevao dostavljanje Uvjerenja nadležnog suda kojim se dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca. Iz dostavljenog Uvjerenja ovaj organ nije mogao utvrditi da li je ponuđač "Vildan tours" d.o.o Sarajevo u krivičnom postupku pravosnažnom presudom osuđen za krivično djelo učešća u kriminalnoj organizaciji, za korupciju, prevaru ili pranje novca, imajući u vidu da se u dostavljenom Uvjerenju navodi da pred sudovima na području BiH nije podignuta optužnica koja je stupila na pravnu snagu, odnosno da nije potvrđena optužnica, a niti je izrečena osuđujuća presuda za krivično djelo sa propisanom kaznom zatvora do 5 godina ili novčanom kaznom kao glavnom kaznom, a što nije bio eksplicitan zahtjev u TD. S tim u vezi, ovaj Organ utvrđuje osnovanost žalbenog navoda Žalitelja, kada navodi da izabrani ponuđač nije dostavio Uvjerenje nadležnog suda kojim dokazuje da mu u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca".

Nadalje, Ugovornom organu je naloženo da u ponovnom postupku postupi u skladu sa članom 72. stav 3. Zakona o javnim nabavkama BiH ("Službeni glasnik BiH", broj 39/14), i donese Odluku o izboru najpovoljnijeg ponuđača u skladu sa Zakonom o javnim nabavkama BiH.

Općina Vogošća kao Ugovorni organ je postupajući u skladu sa odredbom člana 115. stav 1. Zakona o javnim nabavkama BiH ("Službeni glasnik BiH" broj: 39/14), zastupana po zakonskom zastupniku Pravobranilaštvu Općine Vogošća, aktom broj: 10-08-18/18 od 29.01.2018. godine pokrenula upravni spor protiv Rješenja Ureda za razmatranje žalbi BiH-Filijala Mostar broj: JN2-03-07-1-1382-10/17 od 11.01.2018. godine, kojim je usvojena žalba Žalitelja "Globtour" d.o.o. Međugorje kao osnovana i poništena Odluka o izboru najpovoljnijeg ponuđača Općine Vogošća kao ugovornog organa broj: 03-14-1811/17 od 05.12.2017. godine.

Također, Općina Vogošća je kao ugovorni organ, u skladu sa odredbom člana 115. stav 3. Zakona o javnim nabavkama BiH ("Službeni glasnik BiH" broj: 39/14), zahtijevala od Suda BiH odgađanje konačnog Rješenja URŽ BiH-Filijala Mostar broj: JN2-03-07-1-1382-10/17 od 11.01.2018. godine. Zahtijevano je da Sud BiH suspenduje Rješenje, do okončanja postupka pred Sudom BiH.

Dana 06.02.2018. godine Općina Vogošća je zaprimila Rješenje Suda Bosne i Hercegovine broj: S1 3 U 027808 18 U od 05.02.2018. godine, kojim se odbija zahtjev tužitelja-Općine Vogošća, za odgađanje izvršenja konačnog upravnog akta broj: JN2-03-07-1-1382-10/17 od 11.01.2018. godine, tuženog Ureda za razmatranje žalbi BiH-Filijala Mostar kao neosnovan.

Shodno gore iznesenom, postupajući po Rješenju Ureda za razmatranje žalbi BiH-Filijala Mostar broj: JN2-03-07-1-1382-10/17 od 11.01.2018. godine, ponuda ponuđača "Vildan tours" d.o.o Sarajevo nije formalno-pravno ispravna i kao takva nije prihvatljiva za Ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača "Globtour" d.o.o. Međugorje i "Centrotrans-Eurolines" d.d. Sarajevo ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom.

Komisija za javne nabavke je konstatovala da su ponuđači u skladu sa tačkom 9.2.1. TD u svojim ponudama dostavili Potvrde vanjskotrgovinske komore BiH, a u cilju dokazivanja ispunjenja uslova o primjeni preferencionalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj 83/16).

Nakon toga Komisija za javne nabavke je sačinila Rang listu u Otvorenom postupku javne nabavke pružanja usluge prevoza školske djece na području općine Vogošća za period 2017-2020. godine kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1	"GLOBTOUR" d.o.o. Međugorje	67.084,20	/	/	78.488,51
2	"CENTROTRANS-EUROLINES" d.d. Sarajevo	69.120,00	/	/	80.870,40

Iz navedenih razloga, uvažavajući upute od strane Ureda za razmatranje žalbi BiH-Filijala Mostar date kroz Rješenje broj: JN2-03-07-1-1382-10/17 od 11.01.2018. godine i Rješenju Suda Bosne i Hercegovine broj: S1 3 U 027808 18 U od 05.02.2018. godine, a primjenom člana 72. stav 3 Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Globtour" d.o.o. Međugorje, za pružanje usluge prevoza školske djece na području općine Vogošća za period 2017-2020. godine, sa ukupnom cijenom nabavke u iznosu od 67.084,20 KM bez uračunatog PDV-a, odnosno 78.488,51 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "GLOBTOUR" d.o.o. Međugorje
2. "CENTROTRANS-EUROLINES" d.d. Sarajevo
3. "VILDAN TOURS" d.o.o. Sarajevo
4. Nadležnoj Službi
5. U dosije
6. a/a

036/653-251

033/464-040

033/463-659

OPĆINSKI NAČELNIK


EDIN SMAJIĆ